

արժէքը, իբրև վաւերական անմիջական նիւթեր պատմութեան համար: Այդպիսին է այն մասը, որ վերաբերում է Նադիրից սկսած մինչև Քերիմ խանի ժամանակամիջոցին:

Մանաւանդ վերջինիս շրջանը: Այս մասում արդէն հեղինակի լեզուն ի հարկէ աւելի բնական ոճ է ընդունում, և գրածը կարդացւում է հետաքրքրութեամբ: Քերիմ խանի պատմութիւնը սիրով և մանրամասնաբար գրելով, հեղինակը ինքը չի զգում այս նշանաւոր վայրկեանի խոշոր և բնորոշ կերպարանքը. ինչպէս յայտնի է, ի դէմս Քերիմ խանի, մի հասարակ ծագումով շիրազեցու, բուն պարսիկ ցեղը մի փորձ արեց վերածնութեան և նրա մահով նորից ընկղմուեց լեթարգիական քնի մէջ, դառնալով նորից ստրուկ՝ թաթար-թիւրքական տիրապետութեան, շնորհիւ կրօնական միութեան, առանց գիտակցելու այդ դրութիւնը:

Զնայելով, որ պարսիկ ցեղի տիրապետութիւնը՝ ի դէմս Քերիմ խանի և նրա արբանեակների, կարճ ժամանակ տևեց, և այն էլ իբրև անընդհատ մաքառում թիւրք-թաթար խաների, այնուհանդերձ ցեղային տարբերութիւնը արիացիների և թաթարների ակներև և զգալի կերպով ընդգծւում է. սկսւում է երևան գալ կառավարութեան կողմից մարդկայնական յարաբերութիւն դէպի ստորադրեալ ժողովուրդը և դէպի պատերազմող-հակառակորդը—բուն արիական յատկանիշներ: Անշուշտ երբ և իցէ Իրանը դառնալու է իսկական պարսկական պետութիւն: Եւ առանց կասկածելու կարելի է ասել, որ այն ժամանակ քաղաքակրթութիւնը նրանում չի ընթանալու կրիայի քայլերով, ինչպէս Թիւրքիայում: Բայց մօտ է թէ հեռու այդ օրը—դեռ նշաններ չկան: Քերիմ խանի շրջանը մի անգիտակցական կայծ էր, որ արագ մարեց և Իրանը նորից ընդունեց թրքական դրոշմը:

ՆՈՐ ՄՏԱՑՈՒՄԾ ԳՐՔԵՐ

- 1) Հ. Համբարձումեան. «Հպարտ հոգու երգերից», 1905, Պետերբուրգ. 30 կ.:
- 2) Ե. Ֆրանգեան. «Արհամարհուածները», (արտ. «Մշակ»-ից) 1905, Թաւրիզ, 10 շահի:
- 3) Ամարէ. «Տաղեր», 1905, Վաղարշապատ, 10 կ.:
- 4) Ատրպետ. «Ենկերի ժողովածու», Մ հատոր, 1905, Թաւրիզ, 1 ը.:
- 5) «Անասնապահութիւն և կաթնատնտեսութիւն», կազմեց Գ

Հաղարեան (արտ. «Արարատ» ամսագրից), 1905, Վաղարշապատ, 40 կ.:

- 6) «Էմինեան Ազգազրական Ժողովածու», Հատոր Դ. Ժողովրդական Հեքիաթ, հաւաքեց Ս. Հայկունի. հրատ. Հաղար. Ճեմ. արև. լեզուաց. 1902, Մոսկուա-Վաղարշապատ, 1 ռ. 25 կ.:
- 7) Гр. Чалхушянъ «Армянскій вопросъ, Армянскіе Погромы въ Россіи», (Панисламитизмъ), Посв. незаб. Памти. Г. А. Джаншиева, 1905, Ростовъ Н/Д 20 к.
- 8) Հ. Ս. Էֆրեկեան. «Պատկերազարդ բնաշխարհիկ բառարան», հատոր Ա. Վենետիկ, 6 ռ.:
- 9) Վահան Տիրացեան. «Մտքեր և մտքեր», 1905, Թիֆլիս, 10 կ.:
- 10) Ն Ա. Աղբեկով. «Կանանց հարցը Եապոնիայում» (պատկերազարդ) Թարգմ. Նունէ Թայիրեան, 1905, Թիֆլիս, 25 կ.: